

梁山縣志卷之十三

加知州銜知梁山縣事文

永培纂輯

藝文

通都大邑有獻必有文獻則生於斯長於斯者文則不必其生於斯長于斯者名士鉅公舐筆和墨或道源徵心術之同或治法昭因革之美以至流連品物憑弔古今凡有涉于其地其人其事皆得博收而兼采之邑自挺生來瞿唐先生而山川清淑之氣為之一洩迄今讀其書實有功于聖籍豈必如賦之有相如揚雄詩之有

梁山縣志

卷十三

藝文

伯玉謫仙文之有眉山升菴哉其他文人學士非無卽事以留題因物以寓志者經兵燹後采集無從邇來旁搜殘佚錄其有關名教有裨治化有益風俗人心者雖一枝片玉亦足種奇文圃擢秀詞林矣若其人生于斯長于斯為文章大作手而所作無與于桑梓單行傳世可爾志中不備列云

峰門嶺遇雨泊梁山

宋 范成大

窮鄉誰與話
蒸酸駢馬看雲強
自寬酒力無端妨宿病
詩情不淺任塵官
虎狼地僻炊烟晚
風雨天低夏未寒

行盡峰門千萬丈梁山鼓角報平安

題華封三祝圖壽楊東泉少府

明來知德

積陽真朱光脩景迎商陸豈知在乾封口亦見四目賴
我關西楊隨車注膏沃一誠格真宰琅玕呈披腹倏爾
騰涌烟四野如撒菽翻笑不空子手簸數寸木正適懸
弧期士民慶玉燭徐生自遠來生綃持一幅不獻鶴南
飛却獻華封祝索我山人詩匆匆掃兔禿我不願明公
多富滿囊籠但願祝生男慰此萬事足

自注楊清苦如冰藁問斷如神

梁山縣志

卷十三

藝文

二

七境俱無雨惟梁山獨霑足焉非異事耶可以占公之念之誠矣適公誕辰徐生柳庄公父子索余詩壽之

不不歌

齊奴婆娑矜豆粥堆屋黃金三萬斛金張舊業何龍從
兩宮雙闕帶千夢千夢萬斛應難托薜榮朝開莫還落
太山神女嫁西瀛地黑天昏風雨生須臾鴈鶩呼寥廓
白衣蒼狗一時平翻愧焦螟巢蚊睫自來自去了無聲
爾何苦英雄自古無常主爾奈何鳳沼原來卽雀羅不
不歌不不歌何須浪飲丁都護嘗破春情不在多君不
見瞿唐來矣鮮種松千尺種柳短

釜山堂成憶昔篇一百韻呈莊明府

憶昔遊元圃相看貫白虹唐科龍虎出虞藪鳳麟同海
嶽開秦甸菁茅入漢宮祇台思夏后壽考憶周鄴野鴛
皆登俎秋蛇亦入壑隋珠常並燕楚玉不遺璫禮樂遭
昭代琅玕有匪躬咀華金窈窕麗藻玉玲瓏紫電冰千
尺紅綃霧幾盅鄧林材共梓崑頂石俱珥顧以親垂老
兼之病益攻江湖家獨遠風雨鬢雙鬢北關心徒壯南
陔志未終傾葵時耿耿拾椹更忡忡芳樹憂鷓鴣甘霖
或蟠螭跳丸虛宇宙穿屐倦龍嵒傾國媒如在連城價

梁山縣志

卷十三

藝文

三

自逢知章心久破杜甫耳非聾也覺鷹非鷲難言豹卽
獬魚因緣木拙兔爲守株悵雜縣愁金奏羸駑畏錄蒙
思鱸秋有約倚馬夢空隆擊唾誰千里逃禪且六蟲燕
關雲慘淡灑瀕月朦朧未展千時策長看入午銅回腸
頻轉轂歸路疾飛駮緣此投三峽無由見九嶷陸通還
入蜀种放復居嵩去去時非晚蒼蒼勢本穹往來真泡
影斷送賴醞醪草歇劉郎綠花殘白帝紅峰高遲鳥翩
溪漲疾漁舸木客千枝月鮫人一荻風陸渾山峯嶺穎
濮水冲瀾徙倚還荒徑分明覺轉蓬羅含環宇菊靖節

候門僮夜雨追姜被霜蹄恍鮑驄衣存游子線壁掛嶧
山桐母飲猶堪占隣漁並饋纂逡巡藏滑瀝次第摘蔬
菘共道家非國誰知孝卽忠百年惟菽水三釜付瀧凍
豹未文章顯烏先羽翼狎蓼莪原不讀寸草已微功自
識成蒿蔚人傳近渥漜屠蟠依薜荔顏闔友獐獬出處
今人事陰晴造化公天高憑雨露地濶任西東打麥成
茫昧乘槎總鑿空豫樟非杞棘鱸鮓卽鯨鯨黃紙灰應
冷青精意轉烘平生慕山水真似困饑餒旋架崖根屋
還栽石竇椽園應疑向秀宅亦近揚雄蕙徑中封薜荆

梁山縣志

卷十三

藝文

四

扉不剪芄清泉隨意活修竹自然筍霞氣侵桃樹烟氤
入桂叢烏孤穿葉密蝶弱撲花豐石瀨徘徊抱溪田宛
轉通參差成曲巷高下隱迴樞青眼輪輿寂黃昏社鼓
蟻是山皆得髓靈藥已成獲草木俱仙品年華度褐網
曉風清枕簟暝色黯杉楓地僻偏宜懶文豪欲送窮山
光分几席草色帶溶漾仰面星辰濶低頭杯斝饒臨流
頻濯足入谷欲披絨松館時邀月山尊或吸筍一聲成
浩浩萬事忌匆匆散髮飛孤鵲聽泉對野蒨酒醒風入
榻客到鶴開籠坐卧依雲氣行歌答阜螽抱雲眠自在

澗露飲鴻蒙尋隱長題鳳逢車偶夢熊晚成園種漆鑽
久木穿硿覓句隨髭斷翻書見蠹訖婆娑真婉孌雕刻
覺螭螭寄遠聊扳柳吟多欲截筒悲歡塞上馬心事楚
人弓談笑天隨子從容桑苧翁行藏歌杜若日月佩芎
藭始覺茅齋下悠然太古中青山真屬魏白首始招馮
笑我探竒早看誰鼓瑟工天邊摩漢鵠枝上嚇春馭剝
啄隨時至沈冥覺自冲溝中同作斷肆外莫遺葱尚友
慚孤陋論經欲折衷蛟螭須爛嚼堯堯漸消融自後卑
鉛槧知應惜燕鴻坐多塵到履靜久螻喧聰數定生隨

梁山縣志

卷十三

藝文

五

薄時清道未崇鷄蛙看幾變薇藿不求克單父先投餌
東阿可卽戎閭閻宜愷悌絃誦到疲癯花柳知潘岳丹
砂識葛洪冠裳頗懇懇車馬下恹恹圖報先知劣師資
未覺膏有詩呈茂宰無計獻重瞳

康村

紅樹千峰遠青溪萬壑卑沙虛修竹短春淺落花溼水
石平分處漁樵問答時鳥聲長一轉似欲慰詩脾

瞿唐秋

日月成何事江山信已秋往來依塞馬用舍見韓牛

僻堪應老時清景更幽水禽如有憶時過荻花洲

釜山堂成

松子投幃暮茅堂卜築初山深交誼少親老宦情疎種
核黃泥裊敲詩綠葉書春深多燕雀鳥亦愛吾廬

太白山堂成四首

茅屋敞朱明春風到杜蘅松應尋竹友酒或是詩兄陟
巘憑空遠臨流獨濯清大猶機事少不論結鷗盟

月入囂囂榻風清皞皞窩

山下二堂榻大理名其左者為囂囂榻右者為皞皞窩

鳥花成富貴禮樂自口軒兀坐忘人象論文或客過枯

梁山縣志

卷十三

藝文

六

桐如手滑隨意足高歌

誰是人間樂誰為世上閒閒非宮室好樂是水山間欲
下全牛手須先見豹斑蝸廬與斗舍到處可尋顏

松老蟠虬鐵篁幽覆甕區廣居無定宅安樂即康衢與
我二三子乘風南北隅翛然多揖讓白日見唐虞

曾岐山自岑山遠訪予于釜山于其歸也贈別以

詩二首

白屋參差碧樹齊釜山虛擬近丹梯菊花見客爭籬發
杜若乘風拂岸低詩賦誰人驅鮑謝烟霞吾道覺醯雞

憐渠百里能相訪水滿蒹葭月滿溪
處處春風折柳枝柴門偶過興猶奇江湖不博幽人樂
信義多應長者知雨久蟠龍秋意早雲連鐵鳳雁書遲
既思暫到仍長往莫遣深情惜淺卮

董願菴推府見在釜山書堂四首

雨裏榴花午影長偶然旌節下茅堂閒雲繞戶枯桐潤
密竹沿溪晚簟涼斗酒幾時嗟咫尺功名今日見龔黃
不辭酪酌留空谷秉燭何妨夜未央

青山一卧門長閉紅日三竿酒未蘇採藥慣看黃獨久

梁山縣志

卷十三

藝文

七

誰人偶到白雲孤籬邊客飲花頻笑醉後歌繁鳥亦呼
猿鶴不須猜從葢林巒自此卽方壺

五馬雙雙度野橋清風拂拂暑全消那知報政餘三月
始得論文在一朝我道百年惟白石君行萬里自青霄
卽看卧聽甘棠月麥穗柔枝滿耳謠

一曲清江帶白沙沙邊蘆荻傍吾家松間時下聽琴鳥
壁上長留篆字蝸不有陳蕃能下榻誰知顏闔飽餐霞
莫愁信宿無供給獨木橋頭繫鰻槎

槎斷水
取之

坡詩誓將歸釣槎
注漢水鰻甚美以

輓瞿唐先生

古德懋

十二巫峰冷翠屏，忽驚騎鶴上青冥。人間不醒先天畫，宅畔空留買月亭。太史更尋真隱傳，翰林倏墮少微星。翻思郭泰推揚後，頓使前賢愧擬經。

濁醪芒屨覓天真，烟月風流老鶴身。高隱自教心似鐵，浮生不遣髮如銀。經殘關朗青雲薄，淚酒黔婁白屋貧。欲賦大招還復已，知君久已壓風塵。

王弼清言祇自清，宋儒說理更疑城。韋編一夜求溪印，負笈千秋太華橫。花柳不隨周茂叔，山川空憶范長生。

梁山縣志

卷十三

藝文

八

德星一墜珠璣盡，寥落天風吹海鯨。

從批象罔剖鴻濛，不擁臯比作酒龍。一鹿幾年隨李渤，隻雞當日識茅容。元心獨映青城老，彩筆橫千紫閣峰。痛哭寢門君不見，濛濛烟霧鎖長松。

求溪烟景昔平分，喬木騫摧不忍聞。白髮甘隨南嶽老，青春不愧北山文。悲來大壑飛殘雨，思入高山濕暮雲。自後公平吾道在，莫令猿鶴見邛墳。

山居卽事

釋海明 破山

幾年勘破是非關，小住茅茨擬住山。園裏竹雞暗引子，

崖前石虎老生斑一條心事弓弦直三個柴頭品字灣
法法拈來皆活句更餘何事可躋攀

永慶寺

蹋倒須彌鏡影空逢人休鼓舌尖紅黃鸝不識吾生意
叫落庭前一樹風

示四不侍者

倒騎驢子上揚州却是當年跨鶴遊邵伯湖邊親說與
紅塵飛處莫停舟

寄通醉

梁山縣志

卷十三

藝文

九

嶺畔桃花相映紅恍然如醉薜蘿中通身長出叅天棘
刺殺山頭磕睡翁

亂後旋居釜山覽物有感

來象坤

嗟予行年古稀餘六旋居釜山文林故屋結草爲廬依
然素樸因念先人所樹植物蓄淵明柳種東坡竹栽大
夫松培棟梁木讀伏羲書歌梁父曲著易明經孝友姻
睦加官不榮辭官不辱享年八袞快活可掬聞道謝世
逍遙瞑目凡屬後人勸面相續續之云何勤耕苦讀

歷亂紀紀窮苦備矣予亦同之率題數語俾觀者

知我輩有如是之遭而生其感嘆焉

馮之桂 石公

兵戈不肯歇事業付新詩
一生出萬死腸斷爲千思
少年若夢過老至翻成悲
憐翁復憐我適生在此時
看徧興亡事高歌寄酒卮

和復業長歌

五十光陰瞬息過追維往事且如何
當年樓榭垂芳草此日烟霞映薜蘿
時過還來居舊址感深自是發新歌
林園昔客今爲主世世長名安樂窩

梁山縣志

卷十三

藝文

十

爲叶墳篋情不少兼之山水悅人多
崖邊採藥雲生履溪上垂綸月漾波
翁自閒心耽好句我尤老興愛醇醪
肯分沃畝栽陶林共醉仙人踏踏歌

山居詩

錄二

馮之璋

牛屏山下一蝸廬月照東窓竹影疎
對客高談欣有酒呼童設席豈無魚
松濤幾處情堪暢鳥語頻來意轉如
豐草露盈人散去石牀無枕却抽書

依山傍水結窮廬馬足車塵日久疎
人道娶妻須宋子我言食肉豈魴魚
每譚花鳥多濃趣話到紛華却淡如

若問家中何所有一琴一劍一囊書

庚申菊月謁邑侯朱公霖于金城市室有感賦古

風以慰之

君門遠萬里聖明所未及六卿執國法抑惡似太急異
哉楊督師進夔輕譚逆不散伊爪牙不將伊子質陝中
王總戎仁慈胡過恃克閫搗穴巢放寇豈良計全黨歸
東川釀成陰霾氣時從偽將軍王屏藩譚宏部下者盡放回銀損過雲萬賊
心如火熾幾人稱將軍擁戴成叛逆哀哉士庶人煙戶
編兵籍莫羨生子多五丁倍其一可憐孤獨子父母盡

梁山縣志

卷十三

藝文

十一

流涕親老止有女木蘭同唧唧更有慘傷者累及學童
穉忍淚辭詩書吞聲執劍戟操揚大點兵髦鬢執棒立
嗟嗟獨斯境烏黑盡狐赤北風並雨雪氣象愁慘極疇
昔泮宮士或為趨筆墨或為領兵行詡詡矜得意詎知
先達心獨善具隻眼燭禍若燃犀甘為踰垣避所以七
載中貧老澗谷裡皇天不開眼斯文將已墜

聖朝不興師幾無尊卑義翹首仲秋間一路福星至梁

城甘雨來

謂朱公霖

四郊膏澤滴才華若庖刃布化應棠芾

冠履截然明宵小皆戰慄猗歟誠良牧一旦被軟執八

初八日到任九月二十二日姚玉明執于金城復叛四民失所天父老汗流滕人

人籲蒼天禱祀保完壁竚望東征將八日司馬懿執訊

與獲醜救我赤衣吏朱也元兇並佐虐宜絕兼宜肆惟此

良善人可矜亦可恤拯焚若曹彬江南應無泣屠城若

趙奢載胥將及溺哀哉莫能言長歌嗚嘆息寄語斯民

主蒙難有亨日媼妍在鑑中須分玉與石羨里演周文

坦蕩休戚戚我觀君座銘之彞何憂懼知君本浩然令

我陶然喜從此姓字香鸞鳳暫棲枳學道則愛人絃歌

載青史當空鳳一鳴百鳥聲齊止

梁山縣志

卷十三

藝文

三

重陽日延侯父師坐因簷矮落帽適傳洪化改九

月為十月故作

此日是重陽忽傳十月九低簷宅赤牛矯首看芻狗父

師來落帽子弟獻奠酒隨人移玉歷莫問山中叟

紀亂跋

廣師書

一讀一怪事百迴百駭然真身留却後鐵骨鍊胎前否

極終成泰剝窮乃見天後來温飽者仔細熟斯篇

和復舊業長歌詩

錄一

邑介

侯爾垣

漢上

讀遍長歌復業辭琳瑯佳句動人思烽烟已淨今時浪

樓榭重開昔日其舊業新模承更繼孫謀子燕勳兼壽
當年駟馬門應顯停待君家起舊規

贈梁山馮四執中

李以寧 營山

涼風颯颯吹芳草紫顙客下江南道角弓玉韞珊瑚鞭
寶帶黃衫結束好辭家少小走風塵赤手便掣生麒麟
一擲携蒲輕百萬環看意氣隱千人咄嗟能事無不有
琉璃作管刀懸肘寧止詞場弄羽翰時從馬上誇身手
結交海內盡金張翩翩遊俠少年場射虎南山秋月白
呼鷹北地塞雲黃黃雲白日如流電三十功名衆所羨

梁山縣志

卷十三

藝文

三

勅使分招突騎材至尊親教期門戰側身懷古滯燕邱
醉卧妖姬春酒樓丈夫失意且作達那願人間龍額侯
我亦清狂事遊泊相逢況是同鄉者乍驚交臂復離羣
蠟箋恨賦憑誰寫到今歸去近秋天高粱太白相鉤連
前途倘念羈栖客好遲同登艷潏船

過萬縣訪程介石不過馮維章亦歸梁山

道經古萬州參差映雲木西山絕塵龕園沼帶林麓更
有岑公巖垂簾掛飛瀑神仙此窟宅誰歟食清福我友
家其間爽塏成幽築束髮結良朋攻苦歷寒燠同心數

十人馮程眉與目去夏扁舟過邀我到書屋情話竟忘
疲石牀留共宿黽勉訂重來藝圃同馳逐乘暇挈樽壘
探竒遍巖谷荏苒春更徂造門撫修竹客子歸高梁主
人閉門塾和風吹碧草遠黛如新沐惆悵下夔東泛泛
烟中舳

梁山校文夜夢寓東林寺與老僧坐談

勞堪

月滿東林到客稀雲安清夜夢魂歸虎溪水色連僧院
鷺嶺煙雲隱竹扉祗見焚香依淨社還看洗鉢對緇衣

梁山縣志

卷十三

藝文

古

却慙覺後牽纓冕漫向天涯憶翠微

母命報効

劉仕偉

鳩杖北堂鵲噪楹趨庭慈訓去從征歸來不敢彈長鋏
効命原非爲請纓出塞須全仲叔策慰親尤切老萊情
金曾掃蕩烽烟靖奏凱歌還報

聖明

匹馬從戎

慈命無違卽束裝臨岐請訓赴疆場腰間長劍懸秋水
馬上彎弓映夕陽一騎空羣追駃騠千山層疊達康莊

戰塵自喜心猶壯筋力纔年四十強

曉發桃關

出關卽无寺土人

出塞峰連六月涼五更嵐氣濕正裳臨流徑仄疑山合
越嶺塵輕覺路長雲竇遍巖飛鳥雀水聲滿澗奏笙簧
前途正慮無相識萬岫雲收見太陽

晚度索橋

錦纜平鋪挂竈竦北南山豁岷江通夕陽明滅千崖裏
水勢洶濤萬壑中健步猶疑履有用飛鳧方慶踏無空
從來

梁山縣志

卷十三

藝文

五

聖澤周天壤編繫長橋百尺虹

籌邊樓懷古

樓在古維州關唐臣德裕李將軍籌邊處

樓餘基址萬峯巔隱隱猶聞鼓角喧白草殘碑劫火後
黯雲古木夕陽間儀庭鳳凰巢阿閣仗鉞貔貅擁繡韉
雜谷蠻童能漢語至今爭道將軍賢

蠻婦運糧有感

誰謂蠻妮覺化無糧儲絡繹竭誠輸仍笄長髮無花鈿
短褐不完有被裙螢曜究非腐草火露圓不是青荷珠
猶能終日勤王事深信豚魚格信孚

鷓鴣雲山 山經年積雪

遙疑玉壘蠹山巔行近山巔馬不前風捲寒雲涼六月
日鎔瑞雪漫三川已知瘴癘永無患更識瓊瑤大有年
郢曲高歌無侶和晴飛鷓鴣遠摩天

黨壩軍營請自効力不報

輿情縷縷報元戎仗劍轅門自薦雄瑞玉已知能抵鵲
詞鋒敢自詡雕蟲將軍舊膺三公貴少保新榮五等崇
壯士獨慚非食肉何須彈鋏佩驂弓

訓練新兵

梁山縣志

卷十三

藝文

六

貫甲啣枚戰馬嘶新戎猶未解東西六花八陣風雲變
三合五申進退齊鯤到北溟能破浪鳳來瓊樹定知棲
如

天聖德師兵畧牙帳連烽各不迷

率民兵夜克跟雜

更聞鼓角震寒霄壯士啣枚不敢囂自分勤勞甘百戰
還同併力奪千礪月移山影雲來障風動水聲浪作潮
一戰功成趨玉帳將軍犒贊霍嫖姚

從岳大將軍單騎赴虜

旌旗曉過瀘河西誰伴將軍竝騎蹄千里聲靈人共喜
三軍號令馬空嘶同趨異域聽笳發獨向賊巢聞鼓聲
忠信波濤能出入壺漿簞食俯塵泥

春王廿八日泛皮舟歷賊巢勒歪刮耳岩

千崖萬壑夾中流兩崖陰濃春若秋仄經蜿蜒捨騎坐
蠻酋狡黠泛皮舟峰懸古木殘雲斷水濺征袍捲浪愁
促膝荷錢青雀舫仙槎千載漫悠悠

受降壇納款金酋莎蘿奔狼卞

壇建巴朗寨時乾隆十四年二月初

五日也

梁山縣志

卷十三

藝文

七

丹鳳啣來五色書陽春布地網羅除將軍玉帳傳

天赦壇下金酋乞釜魚奉

詔賀成載册禮隨班齊上受降疏烽烟永靖渾無事入
覲還馳使者車

聞阿陸爾撒納背

恩逃竄投牒報効旋聆

諭旨計日就擒爰批終止賦得平字

乾隆二十一年正月十一日續入

一人有慶致昇平湛露恩多滿不傾曾佩雕弓橫塞外
豈容小醜負

君榮服官漫向人論戰報効長先自請行
廟算止戈資武畧從茲不復更長征

梁山道中

顧光旭 金匱

泉聲山色送輕輿空際林巒畫不如疊澗雨深叢篠密
半坡雲薄小松疎隔烟犬吠人呼犢傍水鼃喧獺趁魚
絕似江南好風物濃陰四月插秧初

高粱賑粥行

陳登鳳 閩中

憶昨歲初夏雨澤頻愆期徂秋雲未行酷烈爍炎曦保
寧抵夔門赤地絕流澌高粱固沃壤河渠無來涯井養

梁山縣志

卷十三

藝文

六

缺修縷田阡迷旱資舊穀旣已竭新秧方下矜民情最
苦處青黃不接時此邦常流通耕三昧九貽千錢一斗
粟顆粒如靈芝較之平稔歲奚翅十倍蕝蒙塾荒其業
巨賈匱其貲荷擔無恒傭肩憩唇垂黎樵徑日束薪一
殮乏黏繭機聲軋鳴雞糠稗滑流匙骯髒已云殆傷哉
多疲羸三里一餓殍五里一乞兒橫塍填磊壑枕籍屍
纍纍瞠眙及黃口幾于無子遺所幸未終困視高天聽
卑宰官殷民瘼懷保心孜孜先天下而憂切如已之飢
開倉出廩粟列竈蒸瓊糜簞食無間日食德甘如飴同

舟矢寅恭分棚布廣施移粟就老稚惠澤無偏畸渤海
勤且勞顧復親胼胝問民之疾苦朝斯夕于斯日三稔
庭訓藉以贊宏規活人如救蟻掩骼又埋髑文正有家
風民可無嗟咨邦人薰德化善士俱傾葵羣芳以類聚
努力相肩仔閭閻少積貯籌借紫陽積長困散給賑殘
喘蘇來緩念此虫虫衆彳亍行委蛇鳩形現菜色鵠面
聲喑呶扶杖歎猶哽牽衣詆復訾背負兼襁抱瓦缶濡
淋漓載之筐與筥草根及木皮和勻若五味冷火重調
肺耐茲穀氣充聊以窮日支維飯糗茹草差強轉溝坻

梁山縣志

卷十三

藝文

五

耳聆且爲動况乃親見之余也遠遊人傳食凜素尸青
餐間白飯飽飫皆民脂民隱難上達命不絕如絲搔首
問蒼天但期暘雨宜豐亨秋正好賑粥濟恬熙

和韻

邵 整

若使明盛代且無旱潦期唐胡警洛水商胡憂赫曦蜀
邦環山澤通氣水成澌天和均雨露沾漑茫無涯耕九
計所餘不第三年資昨歲東川地三農畢春耔火雲蒸
熱風杲日麗空時天賜來牟後他若斲所貽原田獲勺
水珍于攬瓊芝龜圻苗則槁米價倍且蕪歛收在富室

反得償高貲嗟嗟食貧者手束口流漉始焉糝糠雜到
箸或相糲繼以蕨薇兼滑乃不受匙日夕仰屋號肌骨
鑠老羸東隣棄幼女西村鬻孤兒人命不如漉豢養安
羈纍道旁新鬼哭往來絕饋遺皇天本慈愛詎不察地
卑猗歟神明宰憂樂日勤孜以天下爲任民饑猶已飢
撫然曰吁哉是宜亟調糜飢者易爲食當令共舍飴發
倉陳大吏窮黎博爲施蹤可追長孺法本非零畸同心
將伯助不惜胼與胝城郭暨鄉野饘斯而粥斯相偕龔
渤海分道敷良規念茲鳩形輩幸未至枯骹此非嗟來

梁山縣志

卷十三

藝文

三

食糜幾免怨咨街巷各貿貿勢似向陽葵或則扶杖往
或以襁負仔一日飼一簞粒粒昔年積樂歲慎狼戾遇
災自安綏民飽長吏喜退食亦委蛇仰給計盈萬歡呼
易呻呶備荒以救荒安所得譏訾我來高粱久稔知俗
未漓空耕硯上田日日擁烏皮旅食厭梁肉飽餐慚鼎
臠值此珠米候恫憂民不支歌成有心人盈盈隔水坻
讀罷喚奈何呼天一問之拜手語神君君誠位不尸賑
窮惠尙爾况在民膏脂相視莞爾笑酬韻寫烏絲眼見
春徂夏五風十雨宜橫經負耒子交口慶重熙

竹岡以詩見示依韻奉答

范

麟

如臯
邑令

憶余下車日值歲亢旱期天高雲無色夕暉接朝曦洗
慮焚香禱霖霖漸流澌洎乎甘霖沛汨汨水循涯豈曰
貧天功民食庶有資其如田已石違候艱耘耔譬服藥
餌者當在未疾時迨至脈理傷伊戚已自貽秋成遂告
乏攬穀如攬芝市價陡爲增乍倍而倏蕪千錢易斗米
富家坐擁貲窮黎瓶之罄腹枵口流漉投彼糠粃麤入
汁苦不藜聊充一時腸各各舉其匙斯人非木石能不
傷單羸蔀屋黃髮老草間黃口兒孰非吾赤子忍聽死

梁山縣志

卷十三

藝文

三

纍纍好生天地德未竟棄如遺是皆有司責有司官居
卑焦勞在寸心且夕切孜孜小惠未能徧民飢猶我飢
屬耆老而告設法其調糜縱使腹難果應或勝茶飴凡
在城鄉間擇地廣爲施但令蚩蚩民存活鮮偏畸區區
手與足何惜胼且胝無米炊未可發倉饘于斯力請諸
上官報可定厥規死者亦已矣安得起白飢生者日一
簞容可免嗟咨孽其所餘往糶以園中葵病莫能興輩
匍匐力堪仔年豐存高廩歲歉出餘積賢勞著同志遠
近相撫綏自公退食候不暇言委蛇民肥我豫悅民瘠

我呻吟遇災事之偶安分泯怨訾高梁十萬戶風俗幸
未漓農則安于野士非相在皮昔我祖少壯家貧絕調
脯斷糞兼畫粥甘苦躬自支我思率之行讀書在山坵
先憂後樂訓自幼嘗聞之承乏于茲土時恐厥位尸更
復心凜凜民膏與民脂開緘讀好句行行麗色絲手把
琳琅富眼看場雨宜淳風長皞皞對酒樂雍熙

五斗山房分體得七古

范麟

都梁官舍隘且喧都梁邑宰囊無錢欲遷爽塏不可得
置孥有所寧求全黃綳被底睡正美市聲入耳魂爲牽

梁山縣志

卷十三

藝文

三

訟庭東偏稍闐寂公餘默坐手一編湘浦老人晨夕至
顏以五斗非余專梁山峩峩青挿天蟠龍金鳳相連綿
夷攷桂溪發源處上如斗斛下淪漣以名吾齋實表此
謀食一念早所捐淵明亦屬寓言耳折腰爲此豈其然

中元禱雨詞

有引

張守愚

烏程
邑介

梁邑無專奉大士蘭若時屆中元田疇將刈雨
澤未霑足也爲民請命惟南海慈雲廣施甘露
而申禱無所何以告虔適當孟蘭鬼度之時實
爲大士變相施食之會人鬼普濟同此一心爰

就地藏琳宮設普陀之座請禱焉虔爲之詞

梵唄遏雲兮會孟蘭法食廣施兮甘露溥鬼其不餒兮
田曠乾天不雨粟兮民何餐長吏失職兮予心殫瞻雲
霓兮晨夕歎叩穹蒼兮呼籲難惟彼大士兮法力寬琳
宮清淨排蒲團虔申祈禱就一壇嗚呼一禱兮雲漫漫
旛幢導引來雲端凡百羣龍朝拱兮風師雨伯爲從官
嗚呼二禱兮瓔絡寶相珍珠冠阿香碾車驅石獬倒捲
江海無剩殘大珠小珠落玉盤嗚呼三禱兮疆界不須
牛脊看馬鬣連滴成波瀾千山萬山飛流湍長官快足

梁山縣志

卷十三

藝文

三

民心安浩乎沛然洵惟大士感應速且大無邊無量語
不刊雨足鸚鵡振羽翰傳言法駕回琅玕從此梁民其
乃粒無慮瘡補與肉剗樂莫樂兮轉盼黃茂倉箱攢地
藏開眼夫亦生心歡

俗傳七月晦日
爲地藏開眼

赴邑南之龍王廟經飛鳳山大雨如注肩輿疾上

山頂之夏家觀

逐逐郊原民事馳每瞻山寺費尋思淨緣多被塵緣隔
雨力如隨願力施肅客孤僧驚雜沓解衣下走笑淋漓
好從現在叅因果迴想層樓結夏時

戊午下帷故鄉湖
山之竹林菴夏

雨時行坐山樓看行人
之避雨者輒相笑也

六月下浣一日暑雨生涼孫丈薌洲招同人登垂
雲樓觀荷予瘧初愈不與悵然有作

九天之雲垂瑤京下有層樓寬且平兀誰創建供鉄佛
樓在報恩寺正面
佛像鑄鉄而成屹立坤位傳嘉名斯樓寓意非遊宴

高粱三面開芳甸女牆高下半沿山低陷一方惟北面
得斯傑構插霄雯八面三層勢入雲呼吸直將通帝座
巋然雄鎮絕塵氛凭欄想見胸懷曠青山遠近開屏障
薰風禾黍碧無垠千頃芙蓉新水漲俯視微聞鷄犬聲

梁山縣志

卷十三

藝文

七

萬家煙火樂時清市闔布粟無珍異淳朴還欣政易成
長夏炎官撐火繖便美遨遊中散懶眼前好景倦登臨
蓬島三山宜隔斷莘老矍鑠與最豪不須扶杖肯辭勞
黑雲驅暑呼童冠羽扇青鞋舉趾高叶疢苦無濟鞋具
遙望高樓乃却步作詩預訂秋爲期留待荷香全吐露
聞繞郭之
荷尙含蕊人生遊憇到處宜偷閒那得政閒時君不聞
廣川臺上何承矩聚飲賓僚日賦詩

中元禱雨詞走筆抒誠未敢必微忱能達也法壇
步叩三日而雲興而雷奮十八漏三下甘霖大

需矣披衣坐聽不啻萬斛原泉一時傾倒歷卯
辰巳午勢方小猶霖霖也探四郊皆足喜再成
此

望切秋成雨未酣焦心日向五行叅挽回天意策無一
降鑿人心禮止三頓散奇峯雲密布旋收炎繖夜飛甘
山城幸事堪圖畫欲覓風流海嶽菴

同人謂韻難叶再用前韻

秋禾尤賴雨沉酣虔向蒲團日暮叅頂禮雖分心只一
爲霖已晚日辜三誠而終格求非苦禱也無靈事豈甘
梁山縣志

卷十三

藝文

五

此際不容人不快平生信奉白衣菴

上觀音岩

重上高空勢鬱盤秋山眼界放逾寬人閒總屬崎嶇路
未信天衢也一般

梁山道中

邵爲鑒

肩輿深入白雲鄉幾處叢篁隱小莊碧水有情流客恨
青山無事笑人忙東園話別春將暮南浦趨庭日正長
歷盡崎嶇誰伴我劍琴而外一書囊

邑西余氏婦母女同盡哀而賦之 方

積

邑令今
陞蜀泉

粵在戊午歲蜀難尙未休吾梁彈丸邑尤爲賊所仇
骨暴荒隴碧血殷洪溝厥罪在長吏保護無奇猷農事
半棄置買刀哭賣牛縱橫二百里茂草榮良疇富者日
益落貧者日益憂邑西余氏婦姿性淑且幽憶昔太平
日隨唱殊綳繆工繡市爭購中饋職更優隣里罕識面
春風長閉樓良人忽鬪沒黃鵠永離儔頗知從一義寂
寞守空禰惟餘膝下愛生計無可籌妾死孤亦死夫嗣
誰與謀夫嗣事較大妾身敢自由遂從媒妁計重抱琵琶
愁有女年十二束髮未盈頭登車隨阿母默默嘆如

梁山縣志

卷十三

藝文

三

旄兵火閱三歲逆浪無完舟旣嫁貧益甚敝衣結如囚
三日得一粥四壁蛛絲浮育孤望已失敗節空自羞母
執女手泣中夜悲鴝鵒一死庶明志引領向寒楸弱女
哀慈母甘同土一坵里正爲我述我聞淚若流窮民已
至此天地何悠悠片詞告爾婦魂兮爾暫留非爾志不
潔非爾命不猶厥罪在長吏保護無奇猷貞淫同不守
于爾乎何尤近聞黃巾衆又作東川游長吏切齒賊誓
思殲諸曾魂兮倘鑒我披髮衛戈矛毋徒風雨夜相對
嗚嗚嗚

奉賀梁山邑侯方有堂先生晉秩 邵 整

霏露

丹毫注姓名文壇飛將屬書生牽絲百里琴三弄判牘
中宵鶴一聲南浦風淳宜雅化東郊花暖課春耕剛逢
小醜跳梁日巾扇從容坐鍊兵

禦侮臨戎識正奇貔貅宿帳夜登陴成詩橫槊提戈日
著績飛芻輓粟時計妙攻心殲賊速翎看耀首策勳宜
鳳啣

紫綉承新寵耄矣如余亦獻詩

梁山縣志

卷十三

藝文

七

監生董若愚之母壽臻百有二歲嘉慶甲子仲春

建坊入祠若愚以詩索和因賦 符永培 邑令

人瑞閨中得期頤益二秋冰霜堪作侶松栢定為儔聞
範超三黨坤儀冠一州萬年彤載節百歲屋添籌荻教
勤書案鷄鳴警績樓清操梁共仰合譽蜀環流競說遺
徽在誰云往事悠

聖朝崇祀典俎豆奉無休

和韻

馬維穎 教諭

錫錦承

天澤懿齡正百秋關中年較夥林下德堪儔但得宗三
訓何須耀八州青城祥降婺瑤島數添籌烹鯉姜門饌
九熊仲氏樓筠心松竹勁蘋藻澗濱流惠養存時渥
褒言歿後悠新坊垂範永不匱羨詒休

原唱

董若愚

憶母生前日孤幃五十秋詩書傳子業志節萬人儔言
德型巾閭容工式里州孫曾觀繞膝歲月喜增籌
北關來旌典東川建壽樓帑金宏

錫予錦緞拜

梁山縣志

卷十三

藝文

三

恩流存日沾

膏渥終年享祀悠仰邀廉憲澤親慰子心休

桂香書院酬邵冶塘山長兼示諸生

袁鳳孫

邑令

香桂多從月窟移更欣桃李各成枝講堂禮殿風如昨
鹿洞鷺湖制可師作宰我慙同襪線談經君合擁臯比
名賢遠繼來夫子不僅文章麗色絲

琴書一束業千秋汲古從來綆欲修未必公評無月旦
果真名士自風流疎簾清簟超塵俗緗帙牙籤任校讐

爲語程門立雪者從今品學各兼優

曾聞石峽號書院豈是才人少賞音雲路有梯憑尺木
春光無價惜分陰以舌調鶴鳴琴暇來伴撚鬚擁鼻吟
名教此中多樂地况兼新樣度金針

言孔孟言大是難

恭錄
御製詩句

聖謨莫作等閒看王曾絕意謀溫飽賈誼深心策治安
榮世遠圖并壽世文壇高築並騷壇淵淵金石歌聲出
料有青藜照夜闌

古梅軒歌奉贈符子田明府

姚椿

梁山縣志

卷十三

藝文

三

符侯於我家世舊頗恨頻年未良覲祇今山邑忽萍逢
有似寒梅見巖岫春風來往不相識著意吹噓使香透
老幹輪君傲骨堅孤枝笑我吟肩瘦興酣跌宕開金尊
酒氣襲花花更溫半山萬卉未生色獨有數樹先承恩
縱使健步遠移至已如古意目擊存地偏未免限籬落
力大直欲蟠乾坤言登後山騁遼望鐵礮危臺與城向
烽燧曾照枯株巔箭鏃高出飛鳥上地勝終須藉衆力
時清定不忘良將水田如海白茫茫無數膏腴發春漲
昨見夔門桂都督爲言符侯氣拔俗邇來濟世須良材

文武和調若車轂嗟余無能只刺促帽首鞞刀愧追逐
但祝年年東閣開一尊花下常相屬

自萬縣至梁山途中書所見

邵 登

南浦肩輿穩無峰不接聯碧雲幽徑合白兔一亭懸暑
退深溪裏人行古木邊征塵初息處得句覓已箋

金城山卽景

陡然峭壁屬天成旋繞崔嵬勢若城一徑潛通黃葉滿
雙扉半啓白雲橫犬聲似豹沿村靜月影如珪印井清
此地當年曾禦寇轉因思古動幽情

梁山縣志

卷十三

藝文

三

夜宿松樹坡

萬山松雪路幾板野人扉旅話喧于市寒燈照若璣評
量詩易得行役夢多稀坐待東方白肩輿曙色微

遊白兔亭觀符明府題嵩洎噴霧崖瀑布

馬維穎

我昨來遊白兔亭山水刻屈紆空青昔年白兔不可見
但見玉龍飛出琉璃屏爛兮如銀白如雪噓吸氤氳難
爲形陂陀萬丈爭尺咫濺珠噴玉何時始我聞廬峯三
十六拍天決漭無逾此古寺屨屨得小憩登頓周遭勞

踵趾流霞亭子低打頭相對纔如掇杯水水穀聒耳雲
蒲山荔茸罨映生斑斕嵐光四合收眼底磴道廻望高
盤盤五馬神君好事者擘窠大字憑崑寫千觔弩挽霹
靈壘蜀嶺雄風剛配也雙眸諦視心魄驚仙官神將紛
紛下他年摹揚費經營豈但駝經來白馬同人處處登
臨既就中妙者推仙尉携壺挈榼列亭中酒餽都作龍
涎氣須臾飲啖杯盤空相携再躡蓬萊宮安得雲爲車
兮神爲馬一御旬有五日冷然風噫嘻乎兔去亭空徒
爾爲蒼崖噴霧還淋漓皇天不老龍不移何如硬黃深

梁山縣志

卷十三

藝文

三

錐石壁神物長呵護更與茲山增一奇

爲符明府題天竺菴石壁

巨靈擘石石壁立屹如屏風平如削定是普陀分得來
至今五指長畱跡何年鑿龕供大士靈應高粱爭覆庇
別從石面繪真如風雨不蝕慈容麗我頻過此心殷殷
經營不惜命工勤憑岩架厦作雲庵氣象崑兀涵氤氲
豈止壯觀瞻不但求福利淨瓶楊柳枝時作甘霖沛遍
灑三千膏四民年年歲歲物皆春香火不斷溪流長庵
前溪水卽通津經始中州符子田 大清嘉慶十二年

弄圓歌

來知德

我有一丸黑白相和雖是兩分還是一箇大之莫載小之莫破無始無終無右無左八卦九疇縱橫交錯今古參前乾坤在坐堯舜周孔約爲一堂我弄其中琴瑟鏗鏘孔曰太極惟陰惟陽是定吉凶大業斯張形卽五行神卽五常惟其能圓是以能方孟曰弄此有事無忘名爲浩然至大至剛充塞天地長揖羲皇

此圖與周子之圖少異者非求異於周子也周子之圖散開畫使人易曉此圖總畫解周子之圖者以中間一

梁山縣志

卷十三

藝文

增一接三十三

圈爲太極之本體者非也圖說周子已說盡了故不必贅

易以道陰陽其理止此矣

世道之治亂國家之因革山川之興廢王伯之誠僞風俗之厚薄學術之邪正理學之晦明文章之涓滴士子之貴賤賢不肖之進退華夷之強弱百姓之勞逸財賦之盈虛戶口之增減年歲之豐凶舉辟之詳畧以至一草一木之賤一飲一食之微皆不外此圖